

The Biblical Abraham Accords (3)

Rabbi Dr. Aaron Adler

בראשית פרשת לך לך פרק יד פסוק א - כד

(א) ויהי בימי אמרפל מלך-שנער אריון מלך אלסר כדורלעמר מלך עילם ותדעל מלך גוים: (ב) עשו מלחמה את-ברע מלך סדם ואת-ברשע מלך עמרה שנאב מלך אדמה ושמאבר מלך צבויים ומלך בלע היא-צער: (ג) כל-אלה חברו אל-עמק השדים הוא ים המלח: (ד) שתים עשרה שנה עבדו את-כדורלעמר ושלש-עשרה שנה מרדו: (ה) ובארבע עשרה שנה בא כדורלעמר והמלכים אשר אתו ויכו את-רפאים בעשתרת קרנים ואת-הזוזים בהם ואת האימים בשונה קריתים: (ו) ואת-חרי בהררם שעיר עד איל פארן אשר על-המדבר: (ז) וישבו ויבאו אל-עין משפט הוא קדש ויכו את-פלשה העמלקי וגם את-האמרי הישב בחצצן תמר: (ח) ויצא מלך-סדם ומלך עמרה ומלך אדמה ומלך צבויים ומלך בלע הוא-צער ויערכו אתם מלחמה בעמק השדים: (ט) את כדורלעמר מלך עילם ותדעל מלך גוים ואמרפל מלך שנער ואריון מלך אלסר ארבעה מלכים את-החמשה: (י) ועמק השדים בארת בארת חמר וינסו מלך-סדם ועמרה ויפלו-שמה והנשארים הרה נסו: (יא) ויקחו את-כל-דלש סדם ועמרה ואת-כל-אכלם וילכו: (יב) ויקחו את-לוט ואת-רכשו ואת-אחי אברם וילכו והוא ישב בסדם: (יג) ויבא הפליט ויגד לאברם העברי והוא שכן באלני ממרא האמרי אחי אשפל ואחי ענר והם בעלי ברית-אברם: (יד) וישמע אברם כי נשבה אחיו וירק את-חניכיו ילידי ביתו שמנה עשר ושלש מאות וירדף עד-דן: (טו) ויחלק עליהם לילה הוא ועבדיו ויפס וירדפם עד-חובה אשר משמאל לדמשק: (טז) וישב את כל-הרכש וגם את-לוט אחיו ורכשו השיב וגם את-הנשים ואת-העם: (יז) ויצא מלך-סדם לקראתו אחרי שובו מהפזות את-כדורלעמר ואת-המלכים אשר אתו אל-עמק שוה הוא עמק המלך: (יח) ומלכי-צדק מלך שלם הוציא לחם ויין והוא כהן לא-ל עליון: (יט) ויברכהו ויאמר ברוך אברם לאל עליון קנה שמים וארץ: (כ) וברוך א-ל עליון אשר-מגן צריך בידך ויתן-לו מעשר מכל: (כא) ויאמר מלך-סדם אל-אברם תולי הנפש והרכש קח-לך: (כב) ויאמר אברם אל-מלך סדם הרמתי ידי אליקוק אל עליון קנה שמים וארץ: (כג) אם-מחוט ועד שרוך-נעל ואם-אקח מכל-אשר-לך ולא תאמר אני העשרתי את אברם: (כד) בלעדי רק אשר אכלו הנערים וחלק האנשים אשר הלכו אתי ענר אשפל וממרא הם יקחו חלקם:

בראשית פרשת לך לך פרק טו פסוק א

(א) אתרו הדברים האלה הנה דברה' אל-אברם במחזה לאמר אל-תירא אברם אנכי מגן לך שכרך הרבה מאד:

רש"י בראשית פרשת לך לך פרק טו פסוק א

אחר הדברים האלה - כל מקום שנאמר אחר סמוך, אחרי מופלג. אחר שנעשה לו נס זה שהרג את המלכים והיה דואג ואומר שמה קבלתי שכר על כל צדקותי, לכך אמר לו המקום אל תירא אברם אנכי מגן לך מן העונש שלא תענש על כל אותן נפשות שהרגת, ומה שאתה דואג על קבול שכרך, שכרך הרבה מאד:

תלמוד בבלי מסכת עירובין דף נג עמוד א

ויהי בימי אמרפל, רב ושמואל; חד אמר: נמרוד שמו, ולמה נקרא שמו אמרפל - שאמר והפיל לאברהם אבינו בתוך כבשן האש, וחד אמר: אמרפל שמו, ולמה נקרא שמו נמרוד שהמריד את כל העולם כולו עליו במלכות

רש"י בראשית פרשת לך לך פרק יד פסוק ט

ארבעה מלכים את החמשה - ואף על פי כן נצחו המועטים, להודיעך שגבורים היו, ואף על פי כן לא נמנע אברהם מלרדוף אחריהם:

